

西北彙刊

中華郵政特准掛
號立券之報紙
中華民國十四年
十一月二十日
發行

牛羣



蒙古以畜牧著。牛羊
馬駝。輒千百成羣。逐
水草移轉。秋八月即
驅至張垣之牛馬橋。
內地商人。爭往購之。
價三十元至五十元
不等。此即牛羣之市
景。

●第一卷第十一期要目

影片牛羣

評論 西北平民教育與義務教育並重

譯著 察綏兩區事業之將來(再續)

調查 綏遠農墾調查記(續)

本所講員赴甘調查報告

計劃 察哈爾畜牧試驗場計劃書

特載 籌辦西北興務大綱(續)

政聞錄 西北教育一年來發達之概況

大事記 國內大事記，國外大事記

雜俎 詩，格言，詞，歌，雜錄

叢談 蒙國風俗談(續)

●本社啟事

本刊徵集西北風景名勝古蹟照片迭承 各界慨贈多枚勝蹟擊掌期共欽賞雅人韻事感謝奚似仍盼各界有此珍藏或臨時攝照者多多惠寄藉公同好本社當奉贈敝刊用答 雅意禱切盼切

祝詞

五原縣知事劉必達
邊疆要害 厥謂幽并
大漠以北 屏翰燕京
欽惟賢哲 極力經營
武功既顯 文治亦成
勞來匡直 億兆安寧
於鑠功烈 中外咸驚
行者孟晉 言者通明
爰有述作 樹之風聲
蒼萃衆善 取精用宏
千秋典則 萬里前程

▲本刊第一卷

第八期要目

影片 察區豐鎮縣文廟硯池內之會文亭
研究 銀行制度之研究與西北產業開發
評論 今後經商蒙古應有之覺悟
調查 綏遠農墾調查記
計劃 西北農墾計劃私議
講演 丁道尹講演詞
特載 籌辦西北墾務大綱
政聞錄 西北當局對於各項財政機關之鄭重語誠
大事記 國內大事記
國外大事記
雜俎 詩·詞·格言·歌·鼓詞·
叢談 西北風俗談
(內外蒙古)

▲本刊第一卷

第九期要目

影片 賜兒山
研究 西北採用社會政策之研究
評論 西北和平之神譯著
譯著 察綏兩區事業之將來
調查 綏遠農墾調查記
計劃 包頭鎮市區整理計劃
特載 籌辦西北墾務大綱
政聞錄 西北當局狀態之冷靜
大事記 國內大事記
國外大事記
雜俎 詩·詞·謠·格言·歌·
叢談 西北風俗談(續)

▲本刊第一卷

第十期要目

影片 羊羣
研究 組織新村之研究
評論 爲蒙回藏進解譯著
譯著 察綏兩區事業之將來(續)
調查 綏遠農墾調查記
講演 本所講員赴甘宣講報告
特載 籌辦西北墾務大綱
政聞錄 察區改良風俗之積極進行
大事記 國內大事記
國外大事記
雜俎 詩·格言·詞·歌·雜錄·
叢談 西北風俗談(續)

評論

●西北平民教育與義務教育並重

宮廷璋

凡物質貴精而量貴多。二者不可得兼。則吾寧取多而棄精。今有田一頃於此。與其擇少數肥壤而精耕之。不如不分肥瘠而盡粗耕之。則費力小而收穫多。教育亦猶是也。專制時代。國家惟以求賢養士爲責。是求質之精者也。然遠識之士知民智開發有利於國家。故古之明主循吏莫不孜孜興學。況民主國家當以開發民智爲職志者乎。西北教育素不發達。自馮督辦蒞任以來。設五族學院。添師範中學數校。于義務教育平民教育。進行尤力。可謂質量兼顧者。而量尤爲重。誠有所見也。

今察綏兩區。初等教育不滿千校。中等教育不過數所。較諸內省。固望塵不及。然視一年以前。進步獨速。豈非有當局能設法以提倡之耶。惟因地方寒瘠交通不便。民生不易守舊成風。故進行亦甚困難耳。

雖然有大力者出。誠意提倡教育。設法解除困難。如今日政府諸公。行之期年。進步已大有可觀。從茲擴充。則文翁治蜀之成績不足專美於前矣。然擴充必自小學始。小學發達而後有中學生。中學發達然後有大學生。北京大學林立。學者負笈不難。惟今日西北小學尙少。則中學且不必十分擴充。況大學乎。西北當局竭力創辦義務學校。各公署並附設一校以爲之倡。可謂知所緩急矣。

惟義務學校之期限。以六年爲原則。四年爲例外。至年長失學者例不得入。猶非普及教育之極則也。年長之人。操權社會。當有爲之時。而無有爲之識。甚或不辦之無。彼固自感痛苦。國家庸有利乎。尤痛心者。民國成立已十四年。而西北同胞尙多不明其意義。故狡猾之徒。乘隙蠢動。爲民國憂。非教育將何以醒聾震瞶乎。彼等入中學。則程度不足。入小學則年齡過大。又以室家爲累。衣食是求。栖栖遑遑。不暇多學。故爲彼等計。非特設平民學校不可。平民學校所以異於義務學校者。一則招學齡兒童而長期教以諸淺顯科學。一則招年長失學者。短期教以千字課及常識。一則教師必爲師範畢業生。而施教必於學校。一則凡稍有學識者隨地皆可施教。性質方法如此其不同也。然二者以普及教育爲目的。則同有平民學校然後今日之文

盲可滅。有義務學校然後將來之文盲不生。相輔而行。不容偏重。歐美各國義務教育推行最早。期限長者八九年。短者亦五六年。故其國民識字者達百分之九十以上。中國義務教育。期限四年至六年。各省多未竭力推行。除少數繁盛都市外。識字者莫能及百分之七十。故今日中國平民教育視歐美各國爲尤急。今日西北急起直追。除來學外。並有往教之議。其心更誠。其法更密。則其成效更大。豈待言哉。

方今平民主義盛行。凡事皆重機會均等。平民教育卽所以示教育不限于貴族者。各國憲法規定人民有受教育之義務。而強迫行之。無非欲人均享此教育之機會。邇來學校費用日繁。貧寒子弟求入其門而不得。故教育失平民主義之精神。識者乃謂國家有教育之義務。非人民有受教育之義務。義務教育應與平民教育殊塗而同歸。斯言也。今日西北當道正履行之。殆亦悟量重於質之理者歟。

(完)

譯 著

●察綏兩區事業之將來

(再續)

覺生譯

六 工 業

察綏兩區工業。今尙無足稱者。縱有少許小規模之工場。皆不足數。然此地物產豐富。種種原料。所在多有。若切實調查。加以研究。必能發見有利之事業。可以經營。茲就想像所及。以其有望之工業。列之於次。

(一)製鹼(曹達)工業 察哈爾區內。則正藍旗爲產鹼豐富之區。綏遠區內。則包頭、綏遠、河套方面甚多。以鄂爾多斯部之鹼湖及察汗淖納林淖等及其他多數湖中。爲其產地。製鹼工業。今亦不少。但其規模甚小。設備不完全耳。鄂爾多斯鹼湖。爲一周圍八十里之大湖。每歲出鹼。約達二十萬斤。可謂多矣。其價每一百斤約一十兩。陝西、山西、包頭、綏遠一帶。皆其銷場。利益之厚。可以揣想。張家口附近所出之土鹼(天然曹達)。年額七百五十萬斤。多則一千萬斤。此地精製之鹼。年額二百五十萬斤。乃至三百五十萬斤。略曾調查。經營此項工業。亦非全無利益之事業也。在張家口一帶。每年有外國商人來此收買土鹼。有謂其輸出後加以精製者。究竟若何。以未經調查。不能深悉。或係供製鹼工業之原料。亦未可知。我國(指日本)從事此項工業者。於此等處。必不可不注目也。昔我日本人在滿洲長春。用土鹼爲原料。製出

優良之曹達灰。現狀如何。不得其詳。然上述各地。皆於此種工業之經營。爲最佳之地點也。

(二)灰麪工業 小麥原料。求之此地。有相當之供給。而其住民。日常食用。又爲麥粉。機器灰麪(米利堅粉)尤其所愛。蒙古地方。需要亦復不少。故銷路可以無憂。現在所用之機器灰麪。皆由天津、大同供給者也。

(三)油榨業 菜子胡麻。此方產出不少。現皆爲此地輸出品。若於此地開設油榨坊。收買此等原料。榨油輸出。必更有利。調查此地。非無油榨坊。惟大抵皆家庭工業。規模狹小。而出品亦不精良。若能製出精品。吾知不僅於中國本部。可更推廣其銷路。卽輸出外國。亦非不可能者也。

(四)造酒業 膏粱及其他可以造酒原料。此地甚豐。製造燒酒。蓋亦一有利事業。雖在此方原有燒鍋(燒酒作坊)業。製造燒酒。供給飲用。然以人口日增。銷數當可日多。故創辦較大之造酒業。當亦不失爲有望之事業也。又酒精製造。亦有利之一事。未始不可經營。

(五)毛織物及製革業 察綏兩區。在中國爲羊毛獸皮之大產地。亦爲其集散地。人所共知。蓋內外蒙古、新疆、青海、甘肅等處所產之羊毛獸皮。皆集中包頭、歸化、張家口等處。而後輸

之天津或其他中國本部。綏包兩處。一年集中之羊毛。六千萬噸。駝毛千三百萬噸。羊皮九十萬張。牛馬皮共六十餘萬張。美國商人收買最多。他國商人亦皆在此採買而輸出之。其中尤以張家口爲其集散之焦點云。

製革業見之各地者。雖亦不少。然張家口爲最盛。其所製革。專消蒙古。爲製靴之用。製造多用舊日土法。工廠規模。大抵狹小。現在約十數處。一年製出之革。約三萬張。常有供不應求之感。故每年由庫倫方面。輸入之熟皮（已製者）約一萬五千張。補其不足。故製革爲此中一有望之業。不難推測。歸化城、包頭等地。亦必有靴業供給蒙古人者。若將此等地方。通盤打算。則所須皮革。必有相當數量也。製造山羊綿羊及其他獸皮等之鞣皮工業。數亦不少。以未經調查。姑不多述。

關於毛織物。其經營者。今尙闕如。但於歸化城等各地。見有製造氈毯者。然以毛織物原料之羊毛。甚屬豐富。若創辦毛織工業。其有利可獲。當更出乎滿洲之上。據聞奉天之滿蒙毛織公司工廠。（日人所辦）常在天津購買羊毛。以爲原料。此等羊毛。其由張歸包等地輸出與否。雖不一定。然可爲毛織原料者。既多在此。則以原料取材容易之一點而論。比之企業之在滿

洲。便利多矣。

(六)紡績及織布 察綏兩區。雖不產棉。然新疆之棉。近年經過此地。轉達天津者。每年約三百餘萬斤。若利用此種棉花。以爲原料。再由他處收購補足。興辦紡績及織布事業。當屬有利之業。新疆棉花。原來銷售於俄。近年始改銷天津。至其品質。據天津某紡紗廠之實驗。實居中國全國第一。若果如此。其可爲紡績原料。自不待言。此間及蒙古。人口不少。所需棉布。向來完全由天津供給。若此地能自織布。此方人民。固甚便利。銷路可無庸慮也。

(七)已達(黃油)製造 察綏兩區。畜牧頗盛。若能利用其乳。製造巴達。當亦可以獲利。

七 交 通

察綏兩區。自古交通機關。純恃牛馬駱駝。卽在今日。若稍深入。其交通仍用舊法。惟近年自京綏鐵路開通。而張家口與庫倫間。亦以汽車往來。交通之便。比之從前。殆有隔世之感。

(一)京綏鐵路 此路世人熟知。記載亦夥。茲爲讀者之便。不辭贅述。前清光緒三十一年。先設北京與張家口間鐵路。謂之京張鐵路。至清宣統元年。全路告成。宣統二年。張家口與綏遠間一綫。(卽張綏鐵路)又興工。二線合併。改稱京綏鐵路。至民國十年八月竣工。史興工由

綏遠延長至包頭鎮。民國十二年。假工事終了。今日營業。直達包頭。全線長五百六十餘哩。京張綫佔一百二十五哩。張綏綫佔二百九十一哩。綏包綫一百四十六哩。將來由此延長。一方。可修支路以達庫倫。一方。可延長至甘肅之寧夏。及蘭州。豫定計劃如此。惟今者其既成路綫。極不完全。運輸力不足。運費過昂。不無遺憾。然自通車以來。沿路都會。頓呈活氣。各站農產物。有如山集。是以平地泉（譯者按今已改爲集寧縣治）卽進而爲繁盛之都會。豐鎮前一寂寥之地。今亦成極其殷盛之都會。如包頭者。今且有開爲外國貿易地之概。此可見交通之於開發西北。關係誠大也。又聞前清貽穀將軍開鑿河套之初。漢民雲集。阡陌大開。極一時之盛。卒以交通不便。穀價低賤。農民不能獲利。大失所望。以漸逃亡。慘澹經營之開墾。遂入於悲運。以終。殊爲可惜。然今昔殊形。因有上述京綏鐵路之延長。而可墾之地。與鐵路距離。遠者三百餘里。近者祇數十里。又有牛馬駱駝及黃河水運之便。穀類銷路無虞。價格可以增進。農民到此。可不再慮其失敗矣。

聞馮督辦玉祥。近時有由平地泉築一鐵路直達滂江之計議。此固開發偏遠各地方之要政。以吾言之。不僅平滂綫有建築之必要。卽由張家口至多倫及由包頭至寧夏兩綫。及其他必

要之路綫。皆有次第舉行之必要。若能見諸實行。則於察綏兩區之開發。爲益不淺。實能助長其進步者也。夫興辦此等路政。建築經費。自爲重大問題。且其建設之初。十年或數十年間。不能得若干收益。亦此時應有之覺悟。蓋爲開發之大政計。此等少數犧牲。固所應有。但能發開成功。則其永遠之利益。固自不小。非徒然消耗者比也。

(二)張庫汽車路 張家口與庫倫之間。清末以來。屢次計議。欲以汽車交通。及民國六年四月。始試行第一次往來。其後遂成立大成張庫汽車股份有限公司。開始經營。嗣則美國人亦參加之。曾引起重大問題。俄而意大利。奧地利諸國人。亦接踵而起。共相競爭。於是張家口內外人所有汽車合計一百二三十臺。(其中固不僅專走庫倫者)惟聞近已減至六七十臺云。

惟我日人從事此兩地區事業者。向未一見。實我爲鄰邦人者之遺憾。目下始有熱心於張家口之企業者。實可慶之至者也。

(未完)

調 查

●綏遠農墾調查記（續）

曾雄鎮

十、農家生活狀況

綏遠面積遼闊。漢滿蒙回雜處。生活習慣。類多同化。誠哉五族一家也。然因祖先之遺傳不同。或操業之歧異。（漢人經營墾牧兼工商。蒙人專營畜牧。滿回人少。與漢人大同小異。）遂影響於生活狀況。各呈一特殊之奇觀。即就漢人論。由內地遷居綏遠者。因環境之改換。致變其原來生活習慣者亦不少。茲略述之如次。

一、漢人 漢人在綏業農者。約居百分之九十。其房屋建築。約有三種。（一）牆以火磚砌成。上蓋瓦。下張以紙製之天花板。前牆下半爲磚牆。上半爲木窗。建築費每間約百元。（每間有一炕。可住三四人至十餘人不等。下仿此。）此種房屋。惟最富庶之畢克齊村及綏遠包頭附近。有之。他處除召廟外。未之見也。（二）牆以土築成。前牆下半爲土牆。上半爲木窗。屋上架桁條。鋪以小木條編成之簾。簾上散布麥稿或雜草。再糊以草屑混合之泥。即成。每間建築費約十五元。其泥配合石灰者。稍堅固而美觀。每間約費二十元。均一年一糊。以前二種房屋。其窗有裝玻璃者。有張紗布者。（紗布每尺銅元七八枚。）其門均懸掛竹簾。以隔風沙。（三）掘穴而

居。俗名地峒。其法擇土岸壁立之處。掘一峒口。作一小木門。峒內寬約六七尺。高八九尺至丈餘。深一丈五尺至二丈。有在旁掘一側峒或二側峒者。側峒外方有窗。內方有炕。炕旁有灶。上有烟突。崙上剗刮平滑。刷石灰。如天花板然。又有擇傾斜最急之地。掘舌崙而入。其內成長方形。較崙口約大十餘倍。適成一丁字形。兩旁亦有窗。炕。烟突等。中植一二柱。上架桁條。鋪簾。布草。糊泥。與第二種同。惟掘崙以代牆而已。此種土崙。各處均有。卽山東墾民在胡吉爾梁者。亦有一部分住此地崙。建築費不過十數元而已。前三種房屋築法不同。價值亦異。要皆座北向南。冬溫夏涼。每室俱有炕一。灶一。烟突夾牆中。火燄由灶經過炕底沿煙突而出。具有烹飪煖炕兩用之效。門上喜貼紅聯。窗用各種色紙鑲貼。室內陳設。因貧富而異。小康之家。有朱紅長櫃一二隻。每隻價數十元。家中貴重物品。皆納於櫃內。該地稱一家之主人翁曰掌櫃。其卽此意也歟。桌椅絕少。家人飲食。或招待來賓。均在炕上。炕上有鋪氈者。有鋪蘆席者。其鋪蓋雜用布。絮。羊皮等。均摺置於旁。以寬大長布蓋之。亦井井有條也。食品以莜麥。小米。馬鈴薯。小麥。蕎麥爲最多。用大米者絕少。佐食蔬菜甚少。肉食較多。作料喜用葱。蒜。韭。醋。每日生活費用。約需七分至一角。其烹飪方法。初視之似甚簡單。其實費工與煮大米飯較多一倍以上。八口之家。

主中饋者至少二人。蓋製麪包、麪條、麪餅、麪片，既甚費手續。又以牛馬羊糞爲燃料。必有一人專抽風箱以助火勢。此種燒糞辦法。既不經濟。又碍衛生。在今日大地上可稱最簡陋之奇俗。亟應改用煤炭。以重衛生。衣服多用藍色土布。夏季上着白布單衣或紅布背心。下仍着棉褲。亦奇聞也。每人年需布二疋。價約四元。冬季着皮襖皮袍。多不掛布面。骯髒不堪。色黑褐不可辨。皮襖一套價七八元。皮袍價約十餘元。均可用七八年之久。費用亦甚省。出外多騎馬乘車。步行或肩挑者。實不多見也。其工作自三月起。耕地播種頗忙。四五月稍閒。六七八收穫甚忙。十月至翌年二月。惟有在家踞炕閒坐。敘天倫之樂已耳。（未完）

計 劃

◎察哈爾畜牧試驗場計劃書

西北地面遼闊。水草豐富。空氣乾燥。爲天良然好牧場。國人不知利用。遂引起外人攘奪之心。英國和記洋行。潛來察綏廣占牧場。牧羊數萬。事已數年。國人尙鮮知者。寧非可怪可恥之事。幸馮督辦撫治斯土。勵行新政。提倡實業。自發現和記經濟侵掠事件。除侵佔土地。當即收回。

外。并決計將羊隻沒收。以保國權。英人雖設法求情。卒未許可。（參照本刊第一期）現已將該項羊隻（計二萬七千頭）全數沒收。刻由察哈爾實業廳吳廳長覺民擬具計劃書。在集甯創設畜牧試驗場。即就收回羊隻擇優繁殖。另買蒙古牡羊及美利奴羊交配。育成優美羊種。旁及牛馬駱駝。先爲小規模之試辦。計劃精詳。不僅爲改良畜牧事業之先驅。且爲恢復國權之紀念。特據實披露。以慰國人之熱心愛國者。

察區沃野千里。水草豐盛。誠爲西北一天然牧場。以之畜牧。可謂得地之宜。然畜牧種類甚多。究以何者獲利最鉅且速。自非加以選擇不可。查羊類毛質之美。肉味之佳。蕃殖之速。在家畜中罕有其比。利厚而易於舉辦。故欲改良畜牧。當自羊始。惜邊人不察。狃於積習。所有馴服調養之法。選種蕃殖之方。千百年來。一聽自然。任其墜落。毫不注意。安得不寒病熱渴。產數減少。種亦日劣哉。今欲改良羊種。亦非一朝一夕所能奏效。況當此財力支絀之時。尤不得不漸次進行。以免竭蹶。茲將進行計劃。分述如左。

（一）設立種羊牧場之目的及辦法。種羊牧場之設。所以改良蒙古羊種。蓋蒙古羊雖有耐寒之特性。然其體格中等。肉量不豐。產毛亦微。毛質剛粗。不堪爲上等毛織品之用。故籌設場

所從事改良飼養管理之法。研究選種蕃殖之術。俾得漸次變更體格。增進其美點。在初辦牧場之際。宜從小處着手。然後徐圖發展。羊之孳生甚速。價格亦良。如飼養得法。不出四年。其利倍蓰。若將餘利再養牛馬。數年之後。可成一大牧場矣。倘或初辦之時。局面過大。則需用經費既多。勢必至於入不敷出。中途而廢。不但損及經濟。且於牧業前途。殊有關碍。蓋當創設伊始。本具改良之熱誠。及其結果。終歸失敗。貽笑牧監。反足阻其改良畜牧之志。故必由小而大。實地做出。既可節省經濟。亦可便於管理。而研究改良。皆易着手。牧業前途。庶有發展之望。

一牧場地址 和記洋行之羊。均在集寧放牧。茲既欲設立本區牧場。暫時自以仍在該地爲宜。蓋處此秋末冬初。口外各地。冰結草萎。苦無相當場所。使之就食。而貿然易其居處。必不利於羊之生活。況集寧舊牧場。距京綏線不過百里。交通尙稱便利。牧羊者久習其間。風土人情。自較格外熟習。則羊之保護。亦必較爲周密。若仍設場其間。自屬駕輕就熟。至職員辦公地點。卽就原有場屋。或另覓廟宇租住。均無不可。

一羊之額數 就沒收之牝羊中。選擇其體格強壯碩大者三千頭。作爲牧場之基本羊。其不堪蕃殖之牝羊與羯羊（卽騾羊）概行變價售賣。另購牡羊一百頭。美利奴羊二十頭。以爲改

良羊種之用。蓋和記羊隻被沒收者。據集寧縣知事及郝場長先後報告。均云共約二萬七千餘頭。內僅有牝羊三千四百頭。其中除去老弱不堪作爲種羊者外。所餘不過二千頭而已。且其牡羊多屬羯羊。亦不能作爲種羊。總之本場應畜牝牡等羊。擬照下列預算數目辦理。其售得之羊價。除作開辦牧場費用。及最初一年半間之經臨兩費外。其餘款項。仍儲作發展別項實業經費之用。

一場內人員之組織 暫定技術員一員。事務員一員。夫役一名。牧夫頭一名。牧夫十二名。查牧夫一名。可牧羊四百頭。是三千頭之羊。只用牧夫八名足矣。再加飼養牛馬駱駝等牧夫四名。

(一)場內之設備

(甲)牲畜 蒙古種牝羊三千頭。蒙古種牡羊一百頭。外國種美利奴羊二十頭。

(乙)建築 羊圈七個。貯藏試驗室共六間。

(丙)各項傢具 辦公室應用傢具。牧羊應用之物品。(未完)

特 載

●籌辦西北墾務大綱（續）

第七篇 第一期 創設西北墾務各傳習所辦法

第一條 爲發達西北墾務維持長久培養人才以資治理特設傳習所教練如左。

一村治傳習所

二警察傳習所

三農村教育傳習所

四獸醫傳習所

第二條 村治傳習所爲培養村長以便辦理農村事務爲自治之基礎招相當資格人員傳習之。

第三條 警察傳習所爲培養警察人才以便保衛農村訓練警士管理治安衛生森林各事務招募相當資格人員傳習之。

第四條 農村教育傳習所爲分別教練農村村民簡易識字法普通知識及簡單農業知識並小學教育招募相當資格人員傳習之。

第五條 獸醫傳習所爲普及獸醫學識發達西北地方畜牧治療獸病預防傳染招募相當資格人員傳習之。

第六條 各項傳習所開辦之初。各招三十人爲限。其應需規定詳細計畫。及開辦費。經常費。各於事先另定之。(第七篇完)

第八篇 第一期 整理墾務舊有辦法

第一條 凡向來辦理西北墾務。積習已久。發見流弊。有碍地方發達。皆須加以整理。以爲維持長久之計。其應行規定者如左。

一 歸併舊有散村爲新農村。

二 自由領地。 三 優待蒙旗。

第二條 歸併舊有散村爲新農村辦法。凡察綏兩區已經放墾之荒地。無論已否墾熟。及有無升科。其墾戶零星散居各地。不便保護。墾理。教育者。皆宜酌量情勢。照此次新農村制度。另擇適中之地。建設新村。按其規定。由公家補助墾戶遷移費各若干。以次實行之。

第三條 前條規定事項。由察綏兩區主管公署。各行調查區劃。建築新農村。分期辦理。

第四條 建築新農村補助墾戶遷移費。及一切調查籌辦應用經費。均由此次移民預備費。款下支出。以後陸續改造用款。則在移民第二年收回官款項下支出。

第五條 察綏兩區籌辦歸併農村事宜。須先行調查其可歸併者共有若干戶。擬定一切辦法。由西北邊防督辦核定行之。

第六條 自由領地。察綏兩區荒地。除由公家指定屯墾移民兩項辦法外。其餘地段。准依向章。由民戶向主管公署。出資領墾。

第七條 凡領墾各地。其墾戶所住房屋。均須依照農村建築式樣辦理。如有附近零星散戶。亦得併爲一村。

第八條 以上所訂事宜。各由察綏兩區主管公署。隨時籌劃。呈報辦理。

第九條 優待蒙旗辦法。凡蒙旗以荒地報墾者。先由公家給資。其荒地能否放出。及押荒銀兩有無積欠。均由公家擔任。不使蒙旗再受損失。以昭大信而資鼓勵。

第十條 凡以前積欠蒙旗押荒銀兩共有若干。卽由此次調查明確。作一總結。分別民國以前。民國以後。擬定辦法。由公家擔任按年補還。所需之款。卽在收回所墊官款項下支出。其墾戶積欠押荒。有力可繳者。酌令補繳。無力者。將原地收回另放。

第十一條 前兩條規定。各由察綏兩區主管公署。擬定妥法。交涉辦理。其實行第九第十兩

條給資蒙旗應需款項卽在此次獎勵蒙旗報墾預備費項下支出。(第八篇完)

政聞錄

●西北教育一年來發達之概況

察綏兩區僻處西北。民風閉塞。人烟寥落。昔日政治施設。固因陋就簡。卽教育事業。亦多敷衍塞責。自馮督辦蒞任後。勵精圖治。專志開發。而對於教育之提高普及。尤倡導創設。不遺餘力。一年以來。成績燦然。茲分學校教育社會教育二部略述之如左。

一 學校教育

(1)五族學院 院址在綏遠舊城。本年三月成立。經常費二萬三千八百餘元。現有學生七班。卽師範專修科一班。職工科一班。蒙回小學一班。師範預科和第一級第二級各一班。初級中學一年級一班。計二百餘人。以種族百分比計之。漢百分之二五。滿百分之一五。蒙百分之二七。回百分之二三。唯藏則以關山阻塞。交通不便。尙無一人。此亦一憾事也。該院設立之最大

動機。爲融洽種族。提高漢滿蒙回藏文化。蓋西北各族雜處。宗教分歧。欲謀開拓。每以種族界限隔閡。發生障礙。馮督辦及張李二都統有見及此。故第一步從教育着手。使漢滿蒙回藏子弟均有相當之知識。瞭然於自身所處之地位。則對於中央及地方政府之設施。不至再生隔閡。而各族間之情感。可以水乳交融。其用意蓋深遠矣。

(2) 綏遠全區職業專門學校 該校係本年五月由綏遠教育廳接收私立西北職業學校改組而成。校址在綏遠城文廟街師範學校舊址。現有商科一班。林墾科一班。共六十人。經常費年七千餘元。

(3) 綏遠區立女子師範學校 該校本期成立。校址暫假五族學院房屋。學生計師範一班。二十五人。附屬小學一班。高初兩級複式編制。三十五人。經常費年六千五百餘元。

(4) 察哈爾區立女子師範學校 該校本年二月成立。初附設於男師。近王教育廳長始籌劃分設。計師範一班。附屬高級小學一班。初級小學二班。學生約百人。現擬添設職業班。

(5) 綏遠區立第二中學 校址在包頭。本年六月開辦。現初級中學兩班。學生六十人。教學法採用道爾頓制。或爲西北教學改進之先導與。

以上各校爲數月來籌備成立者。雖屬創辦。設備不無缺點。而進步之速。誠不能不令人驚嘆。不第此也。如培養軍官人才也。則設立幹部學校。計學生八百人。多大學畢業生。分步騎砲工各科教練。期限年半。如培養宣講人才也。則設立輔治宣講研究所。招講員一班。二十人。現修業期滿。已派出甘肅察綏各省區講演矣。他如養成發揚民治之人才也。則設立吏治研究所。已辦一班。四十人。養成各縣佐治人才也。則設立各縣佐治員養成所。現招一業。四十人。修業期六月。養成銀行辦事人員也。則設立西北銀行講習所。招生一班。四十人。造就各地農林人才也。則設立農林講習所。招生一班。四十人。一年率業。造就徵收人才也。則設立徵收講習所。此均爲發展西北之計劃。專就成適於西北環境之人才。於數月來先後籌備成立者。至各中等學校就原有而擴充革新之者。茲更略述之。

(6) 察哈爾區立中學 校址張家口。學生四班。百餘人。經常費年一萬二千三百七十四元。開辦以來。(民國四年八月開辦)校長多爲候補人員。不諳教育。故一切設備均付缺如。現由教育廳委任北京高師畢業崔校長毓珍接辦。已大有進步。

(7) 察哈爾區立師範學校 校址張家口。經費年一萬三千七百餘元。有學生本科及初級科

一班。蒙古科一班。約百人。現鄭校長欽正籌備擴充班次。從事革新卓著成效。

(8) 察爾區立實業學校。校址張家口。原係私立。創辦於民國十二年。本年下期改歸官辦。新委徐校長積極進行。蔚然改觀。學生四班九十人。初級三班爲普通中學高級則爲農科。

(9) 綏遠區立第一中學。校址係綏遠城古豐書院舊址。創辦於前清光緒二十九年。校舍共百七十餘間。理化手工教室圖書儀器標本成績各室俱備。體育場亦甚寬廣。校舍及設備組織均甚完備。現該校有舊制四年級一班。新制一二年級各一班。補習科一班。共百八十二人。經費年一萬五千餘元。該校預定計劃自十四年度起每年招初級中學生兩班。十五年度起每年招高中普通職業科各一班。至十七年度再擴張計劃。俾與時進步。

(10) 綏遠區立師範學校。校址在舊城公主府舊址。創辦於民國十年。學生舊制本科二年級一班。新制前期二年級一班。二年講習科一班。附屬初級小學一班。共百零七人。該校計劃擬分年擴充校舍。招足學校六班之用。並請每年增加臨時費。添設圖書儀器。故辦法甚有可觀。以上所述均係西北年來中等以上學校創辦與擴充刷新之概況。

(未完)

大事記

●國內大事記 嘯岩

十一月七日●獨督辦王祥主張和平之虞電○銜略。頃上趙次帥王聘老一電。文曰。奉讀魚電。痛國勢之岌危。悲民生之憔悴。警告雙方。早息內爭。共維國是。所提三項條款。自屬目前切要之圖。玉祥救國有願。回天無力。願請此悲天憫人之仁言。敢不極端贊同。襄此義舉。更有進者。近年以來。兵亂之後。繼以災饉。人民均在倒懸。國庫行將破產。凡我袍澤。即人人努力同心。維持大局。尙有緩不濟急之勢。何忍相煎過急。自傷元氣。況乎分屬同根。有何仇恨。必須恃武力以解決。若云爲國。則國事糾紛。自有正軌之可循。若云爲民。則民生困苦。誰願兵刃以相加。舍此而外。則爭地以戰。殺人盈野。爭城以戰。

大事記

殺人盈城。微論共和國家。主權在民。不尊民意。一意孤行。有背國民之心理。而以我國歷史上之戰爭而言。凡屬無名之師。嗜收有效之果。武力本非澈底之物。誠有慨乎其言之也。玉祥人微言輕。能力薄弱。僅就開發西北而論。職責攸關。材財兩缺。已有願不從心之慮。若再加以爲地戰爭。則一髮之動。牽及全體。交通阻塞。金融枯竭。更有民窮財盡。無術維繫之患。是以酷望和平。不甘人後。前奉養電。即已調停幹旋。茲承鈞示。更敢終盡能力之所及。爲主和倡導。除將尊電通行所部一律遵守外。謹此奉覆等語。●關稅自主案在第二委員會之危急情形。○關會第二委員會第一次會議。首由我國代表提出過渡時期附加稅率案。內容分三等。(甲)普通品加至值百抽五。(乙)甲種奢侈品(煙酒等)值百抽三十。(丙)乙種奢侈品(絲織毛織麻織物等)值百抽二十。次日本代表發言。根據華府條約。堅持二·五

附加并謂若課以較高之附加稅率。則需另訂協定。不但發生疑慮與延擱。且擾亂中國與各國之貿易關係。而日本工商業所受影響尤烈。未復以債主資格露出整理西原借款之意。似此自主問題。危乎殆矣。

八日●奉軍侵駐三河○奉軍於本日下午突向三河縣驅逐國民軍之警備隊而占據之。●奉軍退出徐州之證實○奉聯兩軍在固鎮夾溝間血戰兼旬。結果奉并退出徐州。茲據李俊義等電稱齊日午刻進佔徐州等語。

九日●奉軍侵佔三河後國民軍之態度○奉軍侵佔三河後。國民軍之態度若何。甚為各方注意。某記者特往謁國民二軍駐京辦公處處長史臨川。詳詢其事。史君答稱謂我得聞此消息後。即詢問一軍某要人。彼答云。國民軍以主張和平為第一義。當此國窮民困之際。決不輕易與任何一方挑戰。三河雖為國民軍固有防地。但守備隊則屬於京兆尹管轄。與國民軍無甚關係。國

民軍為保持和平起見。決定退讓等語。其避戰愛和之心。始終如一。可以概見。●奉軍侵佔三河後政府之處置○奉軍侵入三河後。執政特召莫德惠入府。囑其致電張作霖。轉令熱河方面制止軍事行動。莫致張電略云。頃奉執政面諭。據報告三河縣京兆警備隊。為奉軍驅逐。薊州方面。亦有同等情事。國民軍因此頗有誤會。應速查明。將軍隊撤退。又廊房落堡一帶。駐軍與國民軍防地相距甚近。易啟衝突。應速派人會同查勘。雙方軍隊較近之處。均應酌量退後。避免誤會等因。特以奉達。現在時機緊迫。應如何辦理。乞速電示。以便轉陳等語。

十日●奉方之主戰積極○奉天開最高軍事會議結果。決定無論段祺瑞對聯軍方面下討伐令與否。決令張宗昌姜登選率駐魯奉軍一面抵禦聯軍進攻。一面開始攻擊豫軍。更集中兵力於京津附近。以視某方之態度。

若何。而出以積極行動。●奉軍侵佔三河後之駐京國民軍要人會議結果。○結果決定四項。(1)對於中央政府。始終擁護。(2)決不爲地盤權利破壞和平。且保大前事具在。可爲鐵證。(3)國民軍有維持京師治安之責。值此開會開議。各國代表聚集京城。尤應特別注意。不能有絲毫疏忽。(4)本上情形。應請鹿警衛司令負維持京師治安安全責。決不許他種軍隊侵入北京。擾亂秩序。

十一日●國人不理之滬案重查已竣事○司法重查滬案已告竣。調查委員團現將調查結果報告北京公使團。●近畿奉軍增防情形○奉軍增防分京東京西京南三面。京東前此自三河薊縣以迄遵化均無駐軍。近日則密佈軍隊。計在本線者有步兵兩旅。騎兵一旅。砲兵機關隊各一營。京西前只高碑店有重兵防守。最近又於易縣方面添駐軍隊一旅。京南自廊房落堡以至天

大事記

津。總數約五萬人。就中張學良郭松齡之軍隊占其大半。廊房及落堡均掘有極深戰壕。

●馮玉祥致張作霖自省之親筆書○雨亭大哥。共患難以來。本期爲國共死。不期吾兄迷信權利。被人所誤。遂孝伯於直隸。同志寒心。驅縕真於山東。軍人解體。逼揖堂出走。而得皖省。迫嘉帥稱去。而劫江蘇。對同志如彼。而對患難如此。多年舊友。以軍長節制軍長。至今不得微權。豈非過河拆橋。新進少年。能花言巧語。見敵即跑。不加之罪。而仍擲大權。我兄何如是之顛倒也。芝老之對傅良佐。雖棄湖南而逃。仍加以將軍頭銜。賞罰有失。一敗幾乎不起。我兄豈非親見之乎。茲閱來電。逼我宣言。我在去年和平救國之役。我兄知我有無宣言。我兄思之未也。我與吳有不並立之事實。我兄思之未也。宣言真正有效與否。我兄思之未也。顛倒至於此極。誠非我之所料及者也。京畿增兵數萬。是迫我宣言。逼我

大事記

宣言。我已決定無論如何不受逼迫而宣言。所謂與兄合作到底者。非爲攘奪權利。非爲排除異己。非爲見新厭舊。非爲花天酒地縱己之欲。乃爲犧牲性命。爲國家。爲人民也。如我兄忍弟有合作之必要。有幫忙之必要。弟即來合作幫忙。否則惟有靜待繳械而已。唯盼兄平心靜氣思之又思。尤盼爲現在之人民一思。京城一首都。外交所系。尤盼念及等語。

十二日●京畿和平之一線希望○奉國協商。幾達最後時期。但郭瀛洲許蘭洲尙在包頭。則二人未離包以前。或有一線希望。又鹿司令接到馮督辦電。謂如至萬不得已時。即退出北京。亦無不可。不知國民軍如此退讓。能滿足奉軍好戰之野心否。

●馮玉祥復段執政文電○執政鈞鑒。奉讀真電。敬悉注重京師。維護和平之苦心。至爲感佩。玉祥自此次江

二六

浙戰事發生以來。始終以斡旋和平爲職志。危言聳聽。決不動搖。職軍在京。除保國衛民外。毫無其他軌外之行動。當去歲風聲鶴唳之際。本軍文武。尙能保京安全。何至於今反有大禍將臨之概。惟以京畿一帶。東西南三面奉軍增兵將近十萬。既不鹵莽滅裂。何必相逼京城政府過甚。祥敢斷言。於開會期間。謹當竭盡全力維持京師之治安。蓋爲政府計。爲人民計。爲國體面計。爲將來拒吳計。均當對奉相諒。不與相爭。緣彼雖持武力以炫耀。我仍以和平爲依歸。謹布區區。敬乞垂察等語。

十三日●兩外交代表團決警告關會四代表○北京外交表團與廣東外交代表團。因各國對於關稅自主案。已漸露狡詐之手腕。特開聯席會議。決定(1)海關稅應無條件收回及中國自定海關稅率權。(2)海關稅款由中國自行保管及中國自定稅款用途。(3)海關雇

用洋員。應不基於國際協定之約束。并舉出代起草宣言及分向王正廷蔡廷幹顏惠慶沈瑞麟四代表提出嚴重警告。

●戰雲密佈之臨時執政撤兵令○前以淞滬駐兵問題。引起兵事。曾經明令制止。不意釁端已發。蘇皖騷然。吳佩孚復潛赴漢口。假借名義。希圖一逞。若聽其肆行無忌。擾亂中原。何以奠民生而維國紀。所有京漢鐵路沿綫。應責成馮玉祥岳維峻盡力維持。相機制止。以遏亂萌。據孫傳芳前次通電。本以淞滬駐兵爲言。今仍前進不已。武力是圖。殊非本執政倡導和平之意。着即通飭所部。停止軍事行動。聽候解決。其在津浦鐵路前綫。仍責成張作霖李景林妥爲辦理。勿任蔓延。京畿駐兵。均着即日回復此次軍興以前原狀。自申令後。均應將辦理情形。隨時分別具報。等語。

●國外大事記

國外大事紀

十一月七日。●英德承認波斯新政府。○英政府現已正式承認波斯。並將互派專使。實行恢復外交關係。德政府亦根據國際條約。決定承認。●十二萬里長途飛行成功○義大利飛行家品凡度本日安抵羅馬。計自羅馬起程經阿剌伯、印度、南洋羣島、澳大利亞、菲律賓、上海、日本東京、再返本國。歷程約十二萬餘里。歷時（停留時間不計）僅二百四十小時。可爲航空界開一新紀元云。●菲島議會運動獨立之決心○菲律賓議會計劃。舉行全菲自決投票。對美國表示獨立之決心。

八日●法國決實行資本徵收○法國戰後爲經費所累。內債日高。現內閣爲整理債務起見。決實行資本徵收。此外又創辦人頭稅。凡二十一歲以上。無例外的每人須納二十佛郎（約中幣二元）。

九日●俄意承認波斯○蘇俄外交副委員長致函駐莫斯科波斯大使。對於李查康被選爲政府首領。表示滿意。

並謂深信波俄間良好邦交。仍可如李查康任國務總理時之鞏固。意大利政府亦正式宣佈承認波斯新政府。②法下院否決資本徵收提案。法下院財政委員會對於班樂衛內閣所提財政善後計劃之資本徵收案。結果以十七票對十四票否決。

十日②資本徵收否決後之法內閣。○資本徵收被下院否決後。即召集國務會議討論應付辦法。但一般相信法國財政問題。現極為危險。無早日解決之希望。因之現內閣亦處於同一之危險境地。③法軍又砲擊達馬斯喀城。○法軍當局知會城內居民。謂法將越城砲擊亂民。凡在火線界內之人民。須速離開險地。

十一日②意政府秘密搜查暗殺事件。○意大利關於謀殺首揆莫索利尼之共謀犯一案。現正秘密搜查。並禁止報紙登載。謂各報館所載之報告。多屬荒謬不實。刻已採取防止手段。凡有關於警察及司法機關所查出之

任何消息。一律不准披露。以便預防妨害公正之判斷。十二②蘇俄對外貿易取專利制度。○蘇俄中央委員會開會討論經濟事件。議決(1)認定對外貿易專利。乃發展生產力要素之一。並可藉以抵禦外國資本勢力。(2)使俄國農業與世界市場有更密切關係。(3)本年度對外貿易價值將增至二十萬萬金盧布。故更須堅穩運用對外貿易專利權。(4)設特殊出入口貿易合股公司。辦理輸出輸入事宜。(5)改良出入口貿易領取執照辦法。務使手續簡單。以便對外貿易。十三日②美國人種偏見尙未除却。○夏威夷領土部大臣卜羅恩。向顧理治總統報告云。僑居夏威夷遠東人民之美籍後裔。旅行夏美之間。輒受不公平之待遇。卜氏聲稱此項人民旅行時。應與美民享受同等之自由。並主張取消民族畛域之習慣。

雜俎

詩

題劉君約真蕉窗憶昔圖

舌存

不種胡麻祇種蕉。美人蕉似美人嬌。自從仙子無消息。前度劉郎恨莫銷。
小立闌干一笑溫。芳心展盡碧無垠。相思對此相思物。不是劉郎也斷魂。

涂九衢陳友古周淑楷邀集星洲湘籍男女學界同人攝影以爲予生日
紀念晚又會宴於上海酒樓即席賦此

胡元倓

海月生涼夜。嘉賓肆几筵。高歌競酬答。清舞獨盤旋。憂思餘身世。歡娛滿目前。漢皋團聚日。不覺又經年。

攝影後復攝半身小影寄向復庵謝祖堯因題一絕

廿年深祕無人曉。海外翻來作令辰。白髮盈顛還自笑。可能憂慮樂餘生。

國慶日在領事署前觀星洲學界全體提燈慶祝

萬點明燈撲地來。歡聲雷動祝臺萊。南天自昔伸民氣。十載劬勞見育才。

暹羅仲和友人廣東銀行副行長黃君伯始殷勤招待讓室以居首爲提

雜

俎

倡捐募事因重託之臨別賦贈

萬里海行成背水。此心難與俗人言。誰知絕域炎荒地。尙有真情古道存。新月出林看委婉。秋蟲入夜競煩喧。幽居靜寂紆勞瘁。儼把申江舊夢溫。

由暹羅乘火車赴檳榔嶼途中書所見

奇峯突兀生平地。雲霧淒迷古寺藏。飛鷺集林疑雪壓。重陽節後看分秧。

陶林雜咏

傳維四

西北高原儗九州。更思高處建高樓。天空暫任孤雲住。地冷應無熱客遊。愛起早開牆上鳥。肯儉閒憶水中鷗。陶林事事須興奮。怕似長沙不久留。

民稀地僻動生愁。振靡扶頽那敢休。礦擬籌開師管仲。農方教稼學公劉。商權久憤歐人執。樹法今憑郭橐留。自愧不才應主棄。又携縣譜太荒遊。

擬開草昧壯神洲。縣僕勞於昔邑侯。無賊也須常上馬。有刀都已變爲牛。五風十雨皆天佑。百室千倉待稼收。自嘆身同過時物。怕因衰朽更貽羞。

漫謂功名水上漚。果爲循吏定芳留。官真似佛慈航渡。民自如嬰衆母投。地喜皆山無溺拯。夏常飛雪著裘遊。無家到處爲家慣。勤慎惟將庶政修。

明妃墓

馮延鑄

琵琶出塞不須悲。遠嫁單于數亦奇。瓦礫殘餘焦墳墓。沙場空峙李陵碑。獨留青塚經興廢。一向黃河任轉移。那必論功稱衛霍。如斯巾幗愧鬚眉。

勸五族聯和歌

鄧長耀

諸君細聽我唱歌。唱個五族大共和。五族從前是同種。後來子孫日漸多。遷移東西并南北。到處棋布又星羅。漢人佔了十八省。白山黑水滿洲窠。蒙族散居沙漠地。回回集處天山阿。前後藏人數不少。信仰佛教念彌陀。說來都是黃帝後。自西走東何蹉跎。只因分居路隔絕。數典忘祖真堪呵。記從周秦到明代。各族每每動干戈。今日殺來明日砍。同種相殘是爲何。順治皇帝當了國。統一大地好山河。用來政體是專制。法令日日尙繁苛。少數親貴戶高位。只知一心保覺羅。台灣旅大讓日佔。藏讓英窺蒙讓俄。割地喪權不知恥。奪得民衆拳相摩。武昌一呼義旗舉。志士奔走如拋梭。南北軍人同警告。宣統退位定共和。自此建立民主國。脫離專制大折磨。不分漢滿蒙回藏。平等都是弟與哥。權利五族共同享。義務五族共同駝。疆界再不分彼此。交涉再不起風波。保國保種又保教。一心一意毫無他。真算同胞四萬萬。相親相愛不相搓。國勢由此大發展。人才由此日衆多。鳳凰麒麟在郊藪。珊瑚玉樹交枝柯。民族固結真正好。猛醒勿再作睡魔。五族一家團結固。亞洲強國是支那。

格言

人生本可無恆業。安閒便易起蕩心。祖義

人既知愛佳結。則勿浪費時日。時日者造生活之原料也。佛蘭克令

難

題

●詞

憶故人 柬叔乾

槭槭蕭蕭。西風吹瘦。妝臺玉闌房。誰與聽鳴琴。小度幽居曲。悵向桃源遠。暗勞人。眉山雙蹙。瓊鉤雁足。料可翻來。楚騷同讀。

虞美人 國情

東窗靜鎖輕紗綠。湘陵竹雙鬢。子照新妝。閒說玉顏。明媚異橫塘。翠圍鎮置多羅器。欲稱爭紅意。沈沈蓮幕。閉多時。生怕西風。吹斷嫩胭脂。

勸民歌

宋雨村

我勸民。勤學好。孝弟忠信人之寶。能忍能讓能謙和。走盡天下無煩惱。
我勸民。務勤農。一耕二讀古來同。今年雨比去年好。趕快耕種利無窮。

張家口亂談二十首

高 俠

張家口。地勢一窩圓。四圍環山重疊疊。屏藩保障頗牢堅。境內滿人煙。
張家口。鐵路是京綏。交通往來都順便。先傳消息快如飛。旅客不枯淒。
張家口。地落外長城。賜兒山前遙影見。邊疆堅壁費經營。今仍舊時形。
張家口。風景賜兒山。面帶溪聲鳴急急。落花流水逸情閑。別有非人間。

●禽獸世界

(3) 犬乳鄰糖

聚談

也。文唐書云。迥秀所居。堂產芝草。犬乳鄰貓。中宗以爲孝感。旌大其門。袁王綱鑑合編
尹血兒曰。迥秀之孝。不足爲奇。所可奇者。其犬之有公德之心耳。△(格言)犬之義氣。有時非人所及。所羅門王

義馬殉主

同治元年。湖郡被圍。安徽某大帥。遣蕭觀察救援。晚駐兵某鎮。離湖州府城百餘里。夜間有湖州府某官遣役告急。蕭接文
書。即時拔營。星夜馳至湖州城下。遇賊一戰而沒。所乘之馬。爲賊所得。騎之。馬即蹄齧傷人。食之。馬更悲鳴不堪。如是者三
日。馬遂餓斃。以殉其節云。見聞隨筆

尹血兒曰。「入在則人情在」此固吾國之名諺也。又曰。「貪生怕死。入有同情。」乃蕭觀察之馬。竟能舍生取義。夫豈平常
人物所可及哉。△(格言)置乞丐於馬背。而馬亦必疾馳。蓋馬之眼。不如人之勢利故也。亞拉伯 (未完)

叢談

●西北風俗談 內外蒙古

(續)

嘯巖

四嫁娶 蒙古嫁娶之禮。除受自然環境和宗教之支配影響外。尙難有原始社會擄掠婚姻之遺意。茲觀其結婚手續與
儀式。即可互見參證。(1)作合。作合之事。率爲親戚或朋友。如甲有一男。乙有一女。則由作合人介紹其意義。若雙方有意
則男女兩家互相調查其門戶家世。以及子或女之賢不肖。然後由父母決定主婚。間有彼此鍾情戀愛。實行自由結婚者
亦聽之。然不多觀也。蓋蒙古有早婚之惡習。無論貧富。均在十歲以內定婚。且女子出嫁之年齡。必長於男子數歲。故男子
十二即娶。十八歲之婦者甚多。利其能操持家務也。此或蒙古文化滯淹不進之一大原因歟。(2)下定。男女兩家互經一
度之調查後。認爲門戶相當。子女合意。則作合人同男家家長或年長親友擇期以聘禮送至女家。謂之下定。聘禮。普通爲
牲畜。以馬二頭。牛二頭。羊二十頭爲常額。又東部以九頭爲單位。至多不得過八十一頭。蓋取九九長壽之意。 (未完)